

集部

欽定四庫:

集部

文編卷五十五

詳校官檢討臣徳 生

侍讀臣孫球覆勘 總校官進士且楊想珩

校對官編修臣汪 腾绿監生臣桑 英

鏞

**段定四軍全書** 馬而今釋真幸存然亦無樂又不編舉於四時獨春秋 釋菜祭之器者也古者士之見師以菜為對故始 不州製城縣夫子廟記 歐陽脩 師其學官四時之祭乃皆釋 無樂則其又器也故其禮亡 唐順之 編

廢而釋真之禮吏以其著令故得不廢學廢矣無所從 立學置學官生員而釋奠之禮遂以著令其後州縣學 自 行事而已記曰釋奠必有合有國故則否謂凡有國 弟 以易學校廣久兵學者莫知所師又取孔子門人之高 後之學者莫不宗馬故天下皆尊以為先聖而後世無 子其國之無属者則必合於隣國而祭之然自孔子沒 祭其先聖先師若唐虞之變伯夷周之周公魯之孔 日顏 回者而配馬以為先師 老五 隋唐之際天下州縣皆 各

盛甚者乃謂生雖不得位而沒有所享以為夫子祭謂 官為立祠而州縣其不祭之則以為夫子之尊由此為 酌鬯為盛釋奠為餘直奠而己故曰祭之 略者其事有 有德之報雖堯舜莫若何其謬論者數祭之禮以迎 祭 ----故享弟子春秋之禮而後之人不推所謂釋莫者徒見 然使其得勢則為堯舜矣不幸無時而沒特以學者之 舞授器之禮今又廢則於其略者又不備馬然古之 則皆廟而祭之首卿子曰仲尼聖人之不得勢者也 1.1. 支骗

者怠馬因以為古禮不足復用可勝歎哉大宋之與於 所 到完四库全書 能習至其臨事舉多不中而色不莊使民無所瞻仰 之禮器馬其姓酒器幣之數升降俯仰之節更又多不 州 正其禮下於州縣而吏或不能諭上意 凡有司簿書之 今八十年天下無事方修禮樂崇儒 謂王爵未足以尊夫子又加至聖之號以褒崇之詩 縣幸有社稷釋真風雨雷師之祭民猶得以識先王 謂古凶鄉射實無之禮民得而見馬者今皆廢失而 **表五十五** 術以文太平之功 見

く・ デ 所 画 邑人行事穀城縣政久廢狄君居之期月稱治又能載 學然後考制度為俎丘籩篚蹲爵簠簋凡若干以與其 其正位為學舎於其旁藏九經書率其邑之子弟與於 可謂有志之士矣 令秋君栗為其邑未逾時修文宣王廟易於縣之左大 典修禮與學急其有司所不責者認認然惟恐不及 不責者謂之不急非師古好學者莫肯盡心馬穀城 古州學記歐陽 1.1. 脩

學遂有序黨有岸家有塾此三代極盛之時大備之制 皆震恐失位俯伏顿首言此非愚臣所能及惟陛下所 政之本也古者致治之盛衰視其學之興廢記日國有 隅徼塞四方萬里之外莫不皆有學嗚呼盛矣學校王 才其明年三月遂站天下皆立學置學官之員然後海 欲為則天下幸甚於是部書屢下勸農桑責更課舉賢 慶思三年秋天子開天章閣台政事之臣八人問治天 下其要有幾施於今者宜何先使坐而書以對八人者

多庆四库全書

表五十五

及七四華 全書 以為勞其良材堅魔之用凡二十二萬三千五百而人 錢一百五十萬以助用人之力積二萬二千工而人不 喜幸而奔走就事者以後為羞其年十月古州之學成 遂以成李侯治吉敏而有方其作學也吉之士率其私 美之事須其久而後至於大備敷是以詔下之日臣民 謀與州人遷而大之以為學舍事方上請而詔已下學 州舊有夫子廟在城之西非今知州事李侯寬之至也 也宋興益八十有四年而天下之學始克大立豈非盛 文编 **E** 

於禮讓與行而風俗純美然後為學之成今州縣之吏 赞揚天子之盛美退不得與諸生揖讓乎其中然予聞 來學者常三百餘人予世家于吉而濫官于朝進不能 勤其入於人者漸善教者以不倦之意須遲久之功至 教學之法本於人性磨操選革使超於善其勉於人者 不得久其職而躬親於教化也故李侯之績及於學之 游息之亭嚴嚴翼翼肚偉閉耀而人不以為侈既成而 以為多學有堂筵審講有藏書之間有賓客之位有 卷五十五 侯之遺爱不亦美哉故於其始成也刻辭于石而立諸 成而得時從先生者老席于東賓之後聽鄉樂之歌飲 獻酹之酒以詩頌天子太平之功而周覽學舍思詠李 少者扶其贏老肚者代其負荷於道路然後樂學之道 中 士皆道德明秀而可為公卿問於其俗而婚丧飲食皆 中止幸予他日因得歸祭故鄉而謁於學門將見古之 立而不及待其成惟後之人毋廢慢天子之詔而怠以 禮節入於其里而長幼相孝慈於其家行於其郊而

文正日日上出

文编

五一

吉 白けり 則 獨學校僅存耳古之為學者四其大則取士論政其小 古之為國者四井田也肉刑也封建也學校也今亡矣 其無以俟 在時侯以明之雄以記之書用識哉欲並生哉工以納 時而颺之格則承之庸之否則威之格之言改也論 弦誦也今亡矣直誦而已舜之言 日底 頑讒說若不 日有配且格承之言薦也春秋傳日奉承齊議庶頑 南安軍學記蘇軾 ノンコーリー

1. 火七日年全年 言而颺之以觀其心其改過者則薦之且用之其不俊者 論士也衆一而後論定孔子射於矍相之圃益觀者如 則威之屏之僰之寄之之類是也此舜之學政也射之 擇其可進者以射侯之禮舉之其不率教甚者則捷之 讒說不率是教者舜皆有以待之夫化惡莫若進善故 中 士之有罪而尚未可棄者故使樂工採其語語諷議之 否何與於善惡而口侯以明之何也由射所以致聚而 則書以記之非疾之也欲與之並生而同憂樂也此 文編

堵使弟子揚解而序點者三則僅有存者由此觀之以 莫盛於東漢士數萬人噓枯吹生自三公九卿皆折節 善者吾改之是吾師也孔子聞之謂子産仁人古之取 士論政者必於學有學而不取士不論政猶無學也學 射致東東集而後論士益所從來遠矣詩曰在泮獻囚 下之三府辟名常出其口其取士論政可謂近古然空 政或謂子産毀鄉校何如子産曰不可善者吾行之不 又 日在泮獻誠禮日受成於學鄭人游于鄉校以議執 Į 表五

意行之於下其禍敗固宜朝廷自慶歷熈寧紹聖以來 者不肯為屋百二十間禮殿講堂視夫邦君之居凡學 勇於義其建是學也以身任其責不擇劇易期於公成 顣 三 致意於學矣雖荒服郡縣必有學况南安江西之南 境儒術之士與閱蜀等而太守朝奉郎曹侯登以治 為黨錮之禍何也曰此王政也王者不作而士自以 聞所至必建學故南安之學甲於江西侯仁人也而 以此感奮不勸而力費於官者為錢九萬三千而助 郡

次皇日車全書 一~

文編

而 有賢太守猶可以為鄭子産也學者勉之無愧於古 者事也故首以舜之學政告之然舜遠矣不可以庶幾 聖二年之冬而成於四年之春學成而侯去今為谢 具 之用莫不嚴具又以其餘增置廪給食數百人始於紹 自海南還過南安見聞其事為詳士既德侯不已乃 **已建中靖國元年三月四日眉山蘇軾書** 列本末贏糧而從軾者三百餘里願紀其實夫學王 仁宗御飛白記 歐陽 卷五十五 脩 州

りこりこ いきつ 羣玉而賜以飛白 余幸得與賜馬予窮於世久矣少不 所職也胡為於子之室乎子履日曩者天子宴羣臣於 子履之室而雲章爛然輝暎日月為之正是肅容再拜 介之賤使得與羣賢並遊於儒學之館而天下無事歲 者益以遭時清明天子嚮學樂育天下之材而不遗一 **悦於時人流離窟斤十有餘年而得不老死江湖之上** 治平四年夏五月余将赴毫假道于汝陰因得閱書於 而後敢仰視益仁宗皇帝之御飛白也日此實文閣之 文編

從容於翰墨之好而余於斯時竊獲此賜非惟一介之 山輝如白虹水變而五色者至寶之所在 也今賜書之 清光蒙恩寵益金門而上玉堂者乎於是相與泫然流 臣之荣遇亦朝廷一時之盛事也子其為我志之余曰 涕 無知猶能悲歌思慕於壠畝之間而况儒臣學士得望 仁宗之德澤涵濡於萬物者四十餘年雖田夫野老之 時豐登民物安樂天子優游清閒不過聲色方與羣臣 而書之夫玉韞石而珠藏淵其光氣常見於外也故

撒于子室也吾知將有望氣者言榮光起而屬天者必 父己口屋 公子 一 喬鍊藥於此唐開元間神仙道家之說與天子為書六 醴陵縣東二十里有宮曰登真其前有山世傳仙人王 師閱馬已而還之又賜御書飛白字使藏馬其後登真 而尤好書法聞登真有開元時所賜字甚奇乃取至京 大字賜而揭馬太宗皇帝時詔求天下前世名山異迹 賜書之所在也 御書閣記歐陽係 文編

金人口人 人 世二家之說皆見斥於吾儒宜其合勢并力以為拒守 之學皆行於世久矣為其徒者常相訾病若不相容於 處士任君為食言其事來乞文以志凡十餘請而不懈 而乃反自相攻惟恐不能相弱者何哉豈其死生性命 予所領職方悉掌天下圖書放圖廠之體陵老佛之居 市工材悉復宫之舊建樓若干尺以藏賜書予之故 凡八十而所謂登真者其說皆然乃為之記夫老與佛 大火獨飛白書存康定元年道士彭知 探其私笈以

卷五十五

者哉知一是已 矜世人則其為事同馬然而佛能指人情而鼓以禍 好尚不能獨與其間能自力而不廢者豈不賢於其徒 故凡佛氏之動摇與作為力甚易而道家非遭人主之 之術其事冥深不可質究則其為常以淡泊無為為務 好惡雖善辯者不能合二說而一之至其好大官室 以 所持之說相盤而然耶故其代為與東各繫 於一時 之 くううし 人之趣者常衆而熾老氏獨好言清淨遠去靈僊飛化 1.11 文编 + 福

金片四库全書 子曰誦其詩讀其書不知其人可乎是以論其世也合 悌靖恭持重號稱長者當是之時天人和同上下惟心 光明偽偉深厚雄傑不可窺較而其小者猶能敦朴愷 臣嘗逮事仁宗皇帝其愚不足以測知聖德之所至獨 抱之木不生於步伽之丘千金之子不出於三家之市 問世之治亂必觀其人問人之賢不肖必以世考之孟 私竊覽觀四十餘年之間左右前後之人其大者固已 仁宗皇帝飛白御書記蘇軾 卷五十五

二飛白筆一以示臣且謂臣記之將刻石而傳諸世 六年冬以事至姑蘇其子誨出處歷中所賜公端敏字 識其為人其流風遺俗可得而稱者以世考之也熈寧 稚子外薄四海裔夷君長見當時之人聞當時之事未 來十有二年若臣若子問有內外下至深山窮谷老婦 有不流涕稽首者也此豈獨上之澤與凡在庭者與有 力馬太子少傅安簡王公諱舉正臣不及見其人矣而

才智不用而道德有餘功業難名而福禄無窮升遐以

次足り車全事

文編

1

官 若藏此筆寶曲阜之履不若傳此書考追蠡以論音聲 方 若因褒貶以想見其所與之人或藏於名山或流於 之音相與勉為忠厚而恥為浮簿或由此也夫 元祐六年六月丙午制詔臣軾上清儲祥宫成當書其 若推點畫以完觀其所用之意存昌歇以追嗜好不 在太常職在太史於法得書且以為抱烏號之弓不 凡見此者皆當鋒然而作如望花頭之塵而聽屬車 上清儲祥宫碑 蘇軾 四

帝以聖文神武佐太祖定天下既即位盡以太祖所賜 華之餘遺民赤子請命上帝以至道元年正月宮成民 從出敢昧死請乃命有司具其事以詔臣軾始太宗皇 金帛作上清宫朝陽門之內旌興王之功且為五代兵 之成職也然臣愚不知宫之所以廢興與凡材用之所 事于石臣戟拜手稽首言曰臣以書命待罪北門記事 不知勞天下頌之至慶歷三年十二月有司不戒于火 一夕而燼自是為荆棘五礫之場凡三十七年元豐二

更包草全

文編

官且賜度牒與佛廟神祠之遺利為錢一千七百四十 蘇符水為民複繪民趣歸之稍以其力修復祠宇記用 年二月神宗皇帝始命道士王太初居宫之故地以法 及所被服冠佩劍履以賜太初所以寵之者甚備宫未成 七萬义以官田十四頃給之刻玉如漢張道陵所用印 者十八而太初卒太皇太后聞之喟然數日民不可勞 也兵不可役也大司徒錢不可發也而先帝之意不可 日者言以宫之所在為國家子孫地乃賜名上清儲祥

7

欽定四庫全書 一《 壇 七百餘間雄魔睛深為天下偉觀而民不知有司不與 之法命人内供奉官陳行典領其事起四年之春記六 年之秋為三門兩無中大殿三旁小殿九鐘經樓二石 百餘雨以為香火瓜華之用名道士劉應貞嗣行太初 萬計凡所謂以天下養者恐歸之儲祥積會所賜為錢 以不成乃物禁中供奉之物務從約損斥賣珠玉以巨 一萬七千六百二十八萬而宮乃成內出白金六千三 一建腐殿于東以待臨幸築道館于西以居其徒凡 **美級** 1

臣嘗竊論之黃帝老子之道本也方士之言末也脩其 藥奇技符蘇小數皆歸於道家學者不能必其有無然 黄帝老子其道以清淨無為為宗以虚明應物為 馬嗚呼其可謂至徳也已矣臣謹按道家者流本出於 之術黃庭大洞之法太上天真木公金母之號延康亦 說 慈儉不爭為行合於周易何思何處論語仁者靜壽之 明龍漢開皇之紀天皇太一紫微北極之祀下至於丹 如是而已自秦漢以來始用方士言乃有飛仙變化 用

威捐利以予民故不藏而富屈已以消兵故不戰而勝 清心省事薄斂緩獄不言兵而天下富臣觀上與太皇 政天下歌之曰蕭何為法顏若畫一曹麥代之守而勿 老而曹參師其言以謂治道貴清静而民自定以此為 太后所以治天下者可謂至矣檢身以律物故不怒而 忠信不立則射鄉之禮不能以致刑措漢與益公治黃 失載其清静民以寧壹其後文景之治大率依本黄老 本而末自應故仁義不施則的獲之樂不能以降天神

飲定四車全書

7

. 浅

+

來格祝史無求福禄自至時萬時億永作神主故曰修 成之日民大和會鼓舞謳歌聲聞于天天地喜答神祗 此宫上以終先帝未究之志下以為子孫無疆之福宫 其本而末自應豈不然哉臣既書其事皇帝岩曰大哉 太祖之功太宗之德神宗之志而聖母成之汝作 既立矣則又惡衣非食卑宫室陋器用斥其贏餘以成 而朕書其首曰上清儲祥宫碑臣軾拜手稽首獻銘曰 心以觀世故不察而明雖黃帝老子其何以加此本 銘詩

見む四年を生 風馬雲車從帝來将閱視新官察民之言佑我文母及 為祥文母所培我膺受之為其成材千石之鐘萬石之 母以公滅私作官千柱人初不知於皇祖宗在帝左右 其孝孫孝孫來饗左右耆耆無競惟人以熊我後多士 其謙帝既子民維子之視云何事帝而瘠其子允哲文 脩何營曰是四者民懷其仁吏服其應思畏其正神予 儲祥之官無以來之其肯我從元祐之政媚于上下何 天之蒼蒼正色非耶其視下也亦若斯耶我築上清 支編 \*五

莫宜居之然皆元我自辟然後命於天子尚其帥之不 文則其所辟或不當亦其理宜也南陽公自御史大夫! 朝覲聘問慰薦祭祀祈祝之文與所部之政三軍之號 書記之任亦難矣元戎整齊三軍之士統理所部之此 **藁相以銘詩震于四海** 令升點凡文解之事皆出書記非閱辨通敏兼人之才 以鎮守邦國贊天子施教化而又外與賓客四隣交其 徐四豪三州節度掌書記廳石記韓愈 1:1:1 五十五

大人りらいたら 一 南陽公可知矣蔚乎其相章炳乎其相鄰志同而氣合 章吾請觀於三君子尚未知三君子之文章吾請觀於 省校書郎方為之南陽公文章稱天下其所辟實所謂 閎辨通敏煎人之才者也後之人茍未知南陽公之文 郎觀察判官其一人雕西李博自前鄉貢進士授秘書 書禮部郎中其一人曰京兆杜魚今為尚書禮部員外 記者三人其一人曰髙陽許孟容入仕于王朝今為尚 豪毒廬三州觀察使授節移鎮徐州歷十一年而掌書 文編 支

鱼月日月月月 簿尉乃有分職还位髙而偪例以嫌不可否事文書行 魚 吏抱成案指丞卷其前鉗以左手右手摘紙尾雁為行 以進平立既丞日當署忽涉筆占位署惟謹目吏問 丞之職所以貳令於一邑無所不當問其下主簿尉主! 以記之而陷置于壁間俾來者得以覺觀馬 可吏日得則退不敢略省漫不知何事官雖尊力勢 川泳而鳥雲飛也愈樂是實主之相得也故請刻 蓝 田縣还廳壁記韓愈 巷 五十五 石 可

とこりら ハナラ 始 易桶與瓦墁治壁悉書前任人名氏庭有老概四行 故跡 日丞哉丞哉余不負怒而处負余則盡桥去牙角 元和初以前大理評事言得失點官再轉而為死發 日大以肆貞元初挾其能戰藝於京師再進再屈于 端使然哉博陵崔斯立種學績文以蓄其有泓涵海迤 反出主簿尉下諺數慢必曰丞至以相訾聱丞之設豈 至喟曰官無甲顧材不足塞職既噤不得施用又啃 破崖岸而為之还聽故有記壞漏污不可讀斯立 文编 + 邑 躡

牆 視客之所居與其凡所資用如官府如廟觀如數世富 而出次於逆旅其後六年為府從事至數日謁客於館 始 對樹二松日哦其間有問者無對日余方有公事子姑 去考功即中知制語韓愈記 人之 定四方之至者如歸其家皆樂而忘去將去既駕 余丙申歲舉進士過扶風求舎於館人既入不可居 鉅竹千挺儼立若相持水流流循除鳴斯立痛 鳳鳴驛記蘇軾 表五十五 掃 溉

金月四月百十二

ここうこ 五十有五日而成用夫三萬六千木以根計竹以竿 **瓦魔坏釘各以枚計稭以石計者二十一萬四千七** 二十有八而民未始有知者余聞而心善之其明年 公之所新也自辛丑八月而公始至既至逾月而與功 君子不擇居而安安則樂樂則喜從事使人而皆喜 胡允文具石請書其事余以為有足書者乃書日古 則天下何足治敏後之君子常有所不屑則躁 1. . . 文品 計 縣 百

雖

馬亦顧其卑而嘶余名館吏而問馬吏曰令太守宋

常出於此而不足怪今夫宋公計其所歷而累其勤使 於衣布皆為其大者不屑為其小此天下之通患也詩 蒙茸者而疏理之非特傳舎而已事復有小於傳舎者 有不屑之心其治扶風也視其碗貌者而安植之求其 無齟齬於世則今且何為矣而猶為此官哉然而未當 日愷悌君子民之父母所 貴乎愷悌者宣非以其不擇 公未嘗不盡心也當食錫奏者難於食菜當衣錦者難 則惰躁則妄惰則廢既妄且廢則天下之所以不治者

多穴匹库全書

**寒五十五** 

問之人曰益當有銀鐵者居其人去而爐毀者不知年 江之許凡舟可療而上下者曰步永州北郭有步日鐵 事者則是真足書也 爐步余乘舟來居九年往來求其所以為鐵爐者無有 以傳舎之修而見公之不擇居而安安而樂樂而喜從 居而安安而樂樂而喜從事軟夫修傳含誠無足書者 獨有其號冒而存余曰嘻世固有事去名存而冒馬 永 州鐵爐步志 柳宗元 てと 九儿

冒 不 若是耶少之人曰子何獨怪是今世有負其姓而立 於 且樂為之下子胡不怪彼而獨怪於是大者桀冒禹 異於兹步者乎向使有聞兹步之號而不足益舒錢鎮 先也然而彼猶曰我大世亦曰其氏大其冒於號有 刀鉄者懷價而來能有得其欲乎則求位與德於彼其 天下者日吾門大他不我敵也問其位與德曰久矣其 可得亦猶是也位存高而德無有猶足以大其門然 **幽厲冒文武以假天下由不推知其本而始大** いく

多定匹庫全書

表五十五

たこうう 賢者之與而愚者之廢廢而復之為是習而循之為非 驚於是末矣余以為古有太史觀民風采民言若是者 恒人且猶知之不足乎列也然而復其事必由乎賢者 推是類以從於政其事可少哉賢莫大於成功愚莫大 故號以至於敗為世笑像斯可以甚懼若求兹步之實 則有得矣嘉其言可采書以為志 而不得釜銷錢錦刀鉄者則去而之定又何害乎子之 全義縣復北門記柳宗元 トルラ 文架 于

耶用賢棄愚推以革物宜民之蘇若是而不列殆非孔 詢 **賓旅之多有懼竭其餼饋者欲廻其途故塞之遵曰是** 非怯且誣歟賢者之作思利乎人反是罪也余其復之 平盧遵為全義視其城塞北門鑿定雉以出問之其 於怯且誣桂之中獨而邑者曰全義衛公城之南越以 、日餘百年矣或曰巫言是不利於令故塞之或曰以 舜里問居者思正其家行者樂出其塗由是道以廢 于羣吏羣吏叶厥謀上于大府大府以俞邑人便馬

金分四個台灣

卷五十五

史色日臣人子言 以為能者付之經略而今尚書户部侍郎余公靖當廣 褒廣 死節而一切貸其失職於是逐推選士大夫所論 城郭之不設甲兵之不戒雖有智勇猶不能以勝一 或不死而無一人能守其州者豈其材皆不足敷益夫 之變也唯天子亦以為任其罪者不獨守吏故特推恩 **僧智高反南方出入十有二州十有二州之守吏或死** 子徒也為之記云 桂州新城記王安石 文编 主 E

勞之欲以休其力以故為是有大費與大勢而人其或 以為勤也古者君臣父子夫婦兄弟朋友之禮失則夷 為役亦大矣蓋公之信於民也久而費之欲以衛其財 者馬以至和元年八月始作而以二年之六月成夫其 木魔瓦石之材以枚數之至四百萬有奇用人之力 工數之至一十餘萬凡所以守之具無 西馬寇平之明年蠻越輯和乃大城桂州其方六里其 横而窺中國方是時中國非無城郭也卒以陵夷毀 一求而有不 VZ

有尽见是人时里

以南 頓 山甫此二臣之德協于其君於為國之本末與其所 洮 為 未之聞也故文王之與也有四方之難則城于朔方而 不敢以謂後蓋有其患而圖之無其具有其具而守之 其人有其人而治之無其法能以久存而無敗者皆 可 存也及至喟然覺悟與起舊政則城郭之修也又當 陷減而不排然則城郭者先王有之而非所以恃而 仲宣王之起也有諸侯之患則城于東方而以仲 謂知之矣應之以悄悄之勞而發赫赫之名承之 f

撫 等矣是宜有紀也故其將吏相與謀而來取文將刻之 以文武之材當明天子承平日久欲補弊立廢之時鎮 太常博士王基記 全安者益其君臣如此而守衛之有其具也今余公亦 以翼翼之勤而續明明之功卒所以靖兵戎而中國以 隅而以告後之人馬至和二年九月丙辰郡牧判官 一方修扞其民其勤於今與周之有南仲仲山甫蓋 錢塘六井記 蘇軾

**到定匹庫全書** 

表五十五

故 而 宰 桑麻之區而久乃為城邑聚落凡今州之平陸皆江之 而 史白公樂天治湖淡井刻石湖上至於今賴之始長 東至錢塘縣治之南為小方井而金牛之廢久矣嘉 北為金牛池又北而西附城為方井為白龜池又北 井其最大者在清湖中為相國井其西為西井少西 地其水苦惡惟負山鑿井乃得甘泉而所及不廣唐 相李公長源始作六井引西湖水以足民用其後刺 水避錢塘而東擊西陵所從來遠矣沮如斥鹵化為 之名 11111

之 城 井髙水行地中率常不應公曰嘻甚矣吾在此可使民 問民之所病皆曰六井不治民不給於水南井溝庫而 坊為南井出湧金門並湖而此有水閘三注以石溝 祐中太守沈公文通又於六井之南絕河而東至美俗 水而不得乎乃命僧仲文子珪辨其事仲文子珪又 派别者也而白龜池小方井皆為匿溝湖底無所 而東者南井相國方井之所從出也若西井則 此六井之大略也熙寧五年秋太守陳公述古始至 相 買 用 國

銀定四庫全書

炭石十五

東絕三橋以入于石溝注于南井水之所從來高 而 遷之少西不能五步而得其故基父老鸞曰此古方井 於是發溝易發完緝罅漏而相國之水大至坎滿溢流 也 引其徒如正思坦以自助凡出力以佐官者二十餘 民李甲遷之於此六十年矣疏涌金池為上中下使 決之河其一納之石檻比竹為五管以由之並河而 衣浴馬不及於上池而列二閘於門外其一赴三池 注于河千艘更載瞬息百斛以方井為近於濁惡而 則

钦定四車全書 人

(大 .編

古

肵 琞 而 方是時汲者時誦佛以祝公余以為水者人之所甚急 及 井常厭水矣凡為水閘四皆垣墻局 早至於井竭 井果修而歲適大旱自江淮至浙右井皆竭 甚急此天下之通患也豈獨水哉故詳其語 缶貯 南出龍山北 人使雖至於久遠廢壞而猶有考也 永 相 餇 至長 非歲之所常 如 酒 醴 河鹽官海上皆以飲牛馬給 而錢塘之民肩足所任舟 有也以其不常有而忽其 鍋以護之明 以告後 民至 沐 年 楫 所 春 浴

欽定四庫全書 哉元豐七年六月丁丑余自齊安舟行適臨汝而長 疑之石之鏗然有聲者所在皆是也而此獨以鐘名 越 訪其遺蹤得雙石於潭上扣而聆之南聲 磬置水 中雖大風浪不能鳴也而况石乎至唐李渤 風鼓浪水石相搏聲如洪鐘是說也人當疑之令以鐘 水 枪止響騰餘韻徐歇自以為得之矣然是說也余尤 經云彭蠡之口有石鐘山馬酈元以為下臨深潭 石鐘山記蘇軾 **【文编 函胡北音清** 芨 何 微

上咱如鐘鼓不絕舟人大恐徐而察之則 大石 固笑而不信 寺 穴罅不知其淺深微波入馬涵澹澎湃 闡 谷 邁 將 中者或曰此鶴 僧使小童持斧於亂石問擇其一二扣之確確馬 人聲亦驚起碌碌雲霄間又有若老人效且笑於 侧立千 赴饒之德興尉送之至湖 尺如 也至暮夜月明獨與邁乘小舟至絕壁 鶴也余方心動欲還而大聲發於 猛獸奇鬼森然欲搏人而山上栖 D 因 得觀所 而為此也舟 山下 謂 石鐘 皆 余 鷴 者 廻 F 水 山 石

闡 欺也事不目見耳聞而臆斷其有無可乎顧元之所見 多竅與風水相吞吐有竅坎鐘點之聲與向之咱必者 絕壁之下故其能知而漁工水師雖知而不能言此 之無射也实坎鐘略者魏獻子之歌鐘也古之人不余 相應如樂作馬因笑謂邁曰汝識之乎噌吰者問景王 至兩山間将入港口有大石當中流可坐百人空中而 **殆與余同而言之不詳士大夫終不肯以小舟夜泊** 以不傅也而陋者乃以斧斤考擊而求之自以為得

とこうし

ントラ

三丈

金好四牌有書 為不信起視乳穴穴人笑之曰是惡知所謂祥耶嚮吾 雜然謠 其實余是以記之盖數勵元之簡而笑李勒之恆也 今刺史崔公至逾月穴人來以乳復告邦人悅是祥 獨名於世連之人告盡馬者五載矣以貢則買諸文部 石鐘乳餌之最良者也楚越之山多産馬于連于部者 刺史之貪戾嗜利徒吾役而不吾貨也吾是以病而 零陵郡復乳穴記 曰 此之熙熙崔公之來公化所徹土石蒙烈以 墨五十 柳宗元

之 信乎道人樂用命熈熈涨以效其有斯其為政也而 其所謂真祥者也君子之祥也以政不以怪誠乎物 順 是安得不以盡告今而乃誠吾告故也何祥之為士聞 知其物糜繩以志其返其勤若是出又不得吾直吾用 絽 所 体治吾以是誠告馬且夫乳穴必在深山窮林水雪 馬今吾刺史令明而志潔先賴而後力欺誣屏息信 日語者之祥也乃其所謂怪者也笑者之非祥也乃 儲粉虎之所廬由而入者觸昏霧杆龍蛇束火以

炎2日日八十

文編

ニキ

肚子與梁惠王齊宣王同時其學無所不闚然要本歸 莊子蒙人也嘗為蒙漆園吏沒千餘歲而蒙未有祀之 非祥也歟 自以 巴尼 白電 父盗蹠胠篋以舐訾孔子之徒以明老子之衔此知莊 於老子之言故其著書十餘萬言大抵率寓言也作漁 者縣令私書丞王兢始作祠堂求文以為記謹接史記 莊子祠堂記 ) 蘇軾 卷五十五

子之粗者余以為莊子蓋助孔子者要不可以為法耳

家而孔子不與其尊之也至矣然余嘗疑盗蹠漁父則 予而文不予陽擠而陰助之其正言益無幾至於訴訾 子則不可以為事公子之法亦不可故莊子之言皆實 楚公子微服出亡而門者難之其僕操華而罵曰隸也 若真敌孔子者至於讓王說劒皆淺陋不入於道反覆 彭紫慎到田駢關尹老聃之徒以至於其身時以為 不力門者出之事固有倒行而逆施者以僕為不愛公 孔子未當不微見其意其論天下道術自墨翟禽滑釐

子日而睢睢而盱町而龍與居太白岩辱盛徳若不足 觀之得其寓言之意終日陽子居西遊於秦遇老子老 勒之以入其言余不可以不辨凡分章名篇皆出於世 樂寇之齊中道而反曰吾驚馬吾食於十漿而五漿先 陽子居整然變容其往也舎者將迎其家公執席妻執 鳃 其讓王說劒漁父盗雖四篇以合於列樂寇之篇曰列 然後悟而笑曰是尚一章也莊子之言未終而昧者 掛舍者避席賜者避竈其反也舍者與之爭席矣去

**致定四庫全書** 

卷五十五

取容其肯從君於昏乎夏侯港贊東方生云開濟明豁 氣為主方高力士用事公卿大夫爭事之而太白使脫 李太白在士也又嘗失節於永王璘此豈濟世之人哉 靴殿上固已氣蓋天下矣使之得志必不肯附權倖以 無實虚名不適於用者然不可以此料天下之士士以 而畢文簡公以王佐期之不亦過乎日士固有大言而 俗非莊子本意 李太白砷陰記 一蘇軾

・、・・)

1.1.

文编

二九

歷城之東五里有丘馬曰閔子之墓墳而不廟秋祀不 白亦云太白之從永王璘當由迫看不然璘之狂肆寢 邁倫髙氣蓋世可謂拔乎其萃遊方之外者也吾於太 陋雞庸人知其必敗 也太白識郭子儀之為人傑而不 不休顯贱不憂戚戲萬乘若僚友視傳列如草芥雄節 包含宏大陵縣卿相嘲哂豪傑籠罩靡前跆籍貴勢出 知璘之無成此理之必不然者也吾不可以不辨 齊州尉子廟記蘇轍

多定匹库全書

**表** 

噫信其可以緩於是鳩工為祠堂且使春秋修其常事 政修事治邦之產老相與來告曰此邦之傷有如閉子 亂世周流齊魯宋衛之間無所不仕其弟子之高第亦 堂成具三獻馬邊豆有列價相有位百年之廢一日而 舉學士大夫觀禮祠下咨嗟涕凍有言曰惟夫子生於 而不廟食豈不大闕公唯不知苟知之其有不飭公曰 天章閣待制右諫議大夫濮陽李公來守濟南越明年 至邦人不寧守土之吏有將舉馬而不克者熙寧七年

欽定四庫全書 子夏仕魏弟子之仕者亦衆矣然其稱德行者四人 咸仕於諸國宰我仕齊子貢冉有子游仕魯季路仕衛 子為費宰関子解日如有復我者則吾以在汶上矣且 言未卒有應者曰子獨不見夫適東海者乎望之茫洋 如浮空之雲然後履風濤而不債觸蛟昼而不警若夫 不知其邊即之汗漫不測其深其舟如蔽天之山其帆 以夫子之賢循不以仕為行也而三子之不仕獨何 弓常為季氏宰其上三人皆未當仕季氏常欲以関 老五十五 獨

有待夫子當曰世之學柳下惠者未有若魯獨居之男 為 舟 而 壈 祸 以江河之舟楫而跨東海之灘則亦十里而返百里而 而 吾於三子亦云衆曰然 不足以經萬里之害矣方周之哀禮樂崩弛天下大 夫子而未能下顧諸子而以為不足為也是以止 任則其舟楫足恃也諸子之汲汲而忘返蓋亦有 而有欲救之譬如涉海有甚馬者今夫夫子之不顧 将試馬則亦隨其力之所及而已矣若夫三子願 支偏 三十一 恆 而

**郵定匹庫** 言 吉 至和元年秋蜀人傳言有寇至邊軍夜呼野無居人妖 不可以武競惟朕一二大吏孰為能處兹文武之間其 往撫朕師乃惟曰張公方平其人天子曰然公以 朋與朕志自定外亂不作變且中起不可以文令又 流聞京師震驚方命擇即天子曰母養亂母助變象 張益州畫像記蘇洵 全書 尽五十五

那縣寇來在吾無爾勞苦明年正月朔旦蜀人相處

不可遂行冬十一月至蜀至之日歸屯軍徹守備使

正油然而退無務容為天子牧小民不倦惟爾張公爾 人皆曰蜀人多變於是待之以待盗賊之意而絕之以 於地惟爾張公安坐於其旁顏色不變徐起而正之既 亂急亦不可以無亂弛是惟元年之秋如器之歌未墜 公不能禁眉陽蘇洵言於衆曰未亂易治也既亂易治 也有亂之的無亂之形是謂將亂將亂難治不可以有 如定日遂以無事又明年正月相告留公像于淨泉寺 以生惟爾父母且公嘗為我言民無常性惟上所待

更 七四車 全

文编

主

魯之人待其身若夫肆意於法律之外以威劫齊民吾 以其父母妻子之所仰賴之身而棄之於盗賊故每每 縋 大亂夫約之以禮驅之以法惟蜀人為易至於急之而 生變雖齊魯亦然吾以齊魯待蜀人而蜀人亦自以齊 盗贼之法重足屏息之民而以避斧令於是民始忍

卷五

爾

死在爾子 孫其功業在史官無以像為也且公意不

始見也皆再拜稽首曰然蘇洵又曰公之恩在爾心

不忍為也嗚呼愛蜀人之深待蜀人之厚自公而前吾

可屬系之以詩曰天子在祚嚴在甲午西人傳言有寇 京人為人慷慨有大節以度量雄天下天下有大事公 至於其長短大小美惡之狀甚者或話其平生所嗜好 夫平居間一善必問其人之姓名與其鄉里之所在以 由此觀之像亦不為無助蘇洵無以詰遂為之記公南 思之於心則存之於目存之於目故其思之於心也固 以想見其為人而史官亦書之於其傳意使天下之人 欲如何皆曰公則何事於斯雖然於我心有不釋馬今

**旷定四車全書** 

、文编

子股肱天子曰歸公敢不承作堂嚴嚴有無有庭公像 爾 駵 **禾麻芃芃倉庾崇崇嗟我婦子樂此歲豐公在朝廷天** 公謂西人安買室家無敢或訛記言不祥往即爾常春 條桑秋爾滌場西人稽首公我父兄公在西面草木 旗。蘇舒舒西人聚觀于卷于塗謂公暨暨公來于于 閨 駢公宴其僚代鼓淵 垣庭有武臣謀夫如雲天子曰嘻命我張公公來自 間開 開有童哇哇亦既能言昔公未來期汝棄捐 湖西人來觀祝公萬年有女娟

傅 民 鼻亭神象祠也不知何自始立因而勿除完而恒新 堂 而 穢革邪敷和于下州之罷人去亂即治變呻為諡若痿 在 風 中朝服冠纓西人相告無敢逸荒公歸京師公像在 起若隊而瞭騰踴相視離爱克順既底于理公乃考 且千歲元和九年河東薛公由刑部即中則道州除 披 道州毁鼻亭神記 地圖得是祠駭曰象之道以為子則傲以為弟 柳 宗 亢 1 相

**尚離于正雖千載之違吾得而更之况今兹乎尚有** 聞 不善雖異代之鬼吾得而攘之况斯人乎州民既諭 非 化吾人之意哉命巫去之於是撤其屋墟其地沉其主 則賊君有鼻而天子之吏實理以惡德而專世祀殆 ,忠睦友祗肅信讓以順于道吾之斥是祠也以明教 思神不敢非類又日淫祀無福凡天子命刺史于下 江公又懼楚俗之尚鬼而難諭也乃徧告于人曰吾 以專土疆督貨賄而已蓋將教孝悌去竒邪俾斯人 卷五十五 非

致定四庫全書


愷悌達于蠻夷不惟禁淫祀熙非類而已願為記以 山石仰知教之首 道罕用賴公而存斥一祠而二教與馬明罰行于鬼神 古熟羨溫昏仰我斯瞽千歲之冥公闢其户我子泊孫 延世有慕宗元時謫永州遇公之邦聞其歌詩以為古 之爲公實智之鰥孤孔艱公實遂之孰尊惡德遠矣自 與歌曰我有者老公與其肌我有病癃公起其贏髻童 樊侯廟災記 歐陽 文监 脩 E

平 乘沛公事危鴻門振目一個使羽失氣其勇力足以過 敷 舞陽距鄭既不遠又漢楚常苦戰榮 陽京索問亦侯 人者故後世言雄武稱樊將軍宜其聰明正直有遗靈 鄭之田麥苗皆死人成駭曰侯怒而為之也余謂樊 本以屠狗立軍功佐沛公至成皇帝位為列侯邑食舞 鄭之盗有人樊侯廟刻神象之腹者既而大風 剖符傳封與漢長久禮所謂有功德於民則祀之者 生提戈斬級所立功處故廟而食之宜矣方侯之参 雨雹近 侯

|多定匹庫全書

墨五十五

而 也耶不然則暗鳴叱咤使風馳霆擊則便之威靈暴矣 欽定四庫全書 典壯陽剛爆疑有不和而凝結者豈其適會民之自災 霆其不和之甚者凝結而為電方今歲且久旱伏陰不 貽怒於無罪之民以騁其恣睢何哉豈生能萬人敵而 死 矣然當盜之割刃腹中獨不能保其心腹腎腸哉而反 駭其耳目耶風霆雨雹天之所以震耀威罰有司者 不能庇一躬邪豈其靈不神於禦盜而反神於平民 侯又得以濫用之耶蓋聞陰陽之氣怒則薄而為風 \_ 支站十五 美



欽定四庫全書

文編卷五十六

詳校官檢討臣徳 生

侍讀臣孫球覆勘

校對官編修臣汪 總校官進士臣楊懋珩 腾録監生日劉

鏞

澐

しこうら これう 柳宗元 丈綱 因其地全其天昔之所難今於 **施其始度土者環山為城** 有為也然而求天作地生 則必華山石溝澗壑 唐順之 編

**質美惡異位視其植則清秀敷舒視其蓄則溶漾紆餘** 所游茂樹惡木嘉範毒卉亂雜而爭植號為穢墟幸公 效伐於堂無之下外之連山高原林麓之崖問則隱顯 阜突怒乃作棟宇以為觀游凡其物類無不合形輔勢 怪石森然周于四隅或列或跪或立或什竅穴透逐堆 其塗積之丘如蠲之劉如既於既曬竒勢迭出清濁辨 之來既逾月理甚無事望其地且異之始命艾其無行 石馬翳于與草有泉馬伏於土塗地虺之所蟠狸風之

多万四四百十二

卷五十

次定四事全書 一 細知其大也宗元請志諸石措諸壁編以為二千石楷法 **遍处野緑遠混天碧咸會於熊門之内已乃延客入觀** 而佑仁公之蠲濁而流清豈不欲廢貪而立廉公之居高 得勝豈不欲因俗以成化公之釋惡而取美豈不欲除殘 繼以宴娱或賛且賀曰見公之作知公之志公之因土而 以皇遠豈不欲家撫而尸晚大然則是堂也豈獨草木土 石水泉之適數山原林麓之觀歟将使繼公之理者視其 潭州東池戴氏堂記柳京元 文編

為連率所賔禮貢之澤宫而志不願仕與人交取其退 勝益竒望之若連艫縻艦與波上下就之顛倒萬物遼 馬池之勝於是為最公曰是非離世樂道者不宜有此 其涯垣島洲渚交其中其岸之突而出者水縈之若玦 弘農公剌潭三年因東泉為池環之九里丘陵林麓距 而禁凡觀望浮游之美事於戴氏矣戴氏害以文行累 **廓眇忽樹之松栢杉樹被之菱芡芙集鬱然而陰緊然** 卒授賔客之選者熊國戴氏曰簡為堂而居之堂成而

欠らしりませんない 志不果矣君子謂弘農公剌潭得其政為東池得其勝 益懋交相赞者也既碩其內又楊于時吾懼其離世之 廣堂不待飾而已與矣戴氏以泉池為宅居以雲物為 明徒據幽發粹日與之好則行宜益高文宜益峻道宜 得哉地雖勝得人馬而居之則山若增而高水岩闢而 之舉也必以類當弘農公之選而專茲地之勝豈易而 文莫不抱統以至虚為極得受益之道其樂道歟賢者 讓受諸侯之龍不以自大其離世敗好孔子書旁具莊 無百貨之列而鮑魚之肆不可入雖邦君之過市必常 徳不可以不記 授之得其人豈非動而時中者飲於戴氏堂也見公之 為下縣而峽為小州州居無郭郭通衛不能容車馬市 儉陋常自足無所仰於四方販夫所售不過鱅魚腐鮑 民所嗜而已富商大賈皆無為而至地解而貧故夷陵 峽州治夷陵地濱大江雖有椒漆紙以通商賈而民俗 夷陵縣至喜堂記歐陽修

增城坳甓南北之街作市門市區又教民為尾屋別竈 然數景祐二年尚書駕部員外郎朱公治是州始樹木 答春秋書荆以狄之而詩人亦曰蠻荆豈其陋俗自古 俗信鬼神其相傳曰作尾屋者不利夷陵者楚之西境 **麇異人畜以變其俗既又命夷陵令劉光裔治其縣起** 勅書樓飾廳事新吏舍三年夏縣功畢某有罪來是邦 下乘掩鼻以疾趨而民之列處竈廪屋井無異位 )間上父子而下畜豕其覆皆用茅竹故咸常火災而

室

成又與賓客偕至而落之夫罪戾之人宜棄惡地處窮 者多不欲遠來而居者往往不得代至歲滿或自罷去 道大江絕准抵汴東水門五千五百有九十里故為吏 意然夷陵之僻陸走荆門襄陽至京師二十有八驛水 險使其憔悴 憂思而知自悔咎今乃賴朱公而得善地 之東以作斯堂度為疏潔高明而日居之以休其心堂 朱公於某有舊且哀其以罪而來為至縣舍擇其應事 以偷宴安頑然使忘其有罪之憂是皆異其所以來之

鈒定四庫全書

基五十六

錐早而有土與民宜志其風俗變化之善惡使後來者 始來而不樂既至而後喜也作至喜堂記藏其壁夫令 然不知夷陵風俗朴野少盗爭而今之日食有稻與魚 てこうい こいり 有考馬爾 又有橘柚茶筍四時之味江山美秀而邑居繕完無不 可爱是非惟有罪者之可以忘其爱而凡為吏者莫不 ,魏國忠獻韓公作堂於私第之池上名之曰醉白取 韓魏公醉白堂記蘇秋

子憂患之域而行乎利害之塗豈其所欲哉夫忠獻公 樂天而已乎方且願為尋常無聞之人而不可得者云 矣而猶有羨於樂天何哉軾聞而笑曰公豈獨有羨於 之生是人也将使任天下之重則寒者求衣飢者求食 樂天池上之詩以為醉白堂之歌意若有羨於樂天而 凡不復者求得苟有以與之將不勝其求是以終身處 不及者天下之士聞而疑之以為公既已無愧於伊周 )相三帝安天下矣浩然将歸老於家而天下共挽

蜀穴四母全書

死已日華 在 樂天之平生而求之公較其所得之厚薄淺深孰有孰 水園池之樂府有餘帛廩有餘栗而家有聲伎之奉此 殺伐果敢而六軍安之四方八蠻想聞其風采而天下 安宗廟而不自以為功急賢才輕爵禄而士不知其恩 無則後世之論有不可欺者矣文致太平武定亂答謀 而留之莫釋也當是時其有羨於樂天無足怪者然以 殭健之時退居十有五年日與其朋友賦詩飲酒盡山 以其身為安危此公之所有而樂天之所無也乞身於 **文編** 

所無自少將推其同者而自託馬方其寓形於 樂天之所有而公之所無也忠言嘉謨效於當時而文 采表於後世死生窮通不易其標而道德高於古人此 金ラロス **齊得喪忘禍福混貴賤等賢愚同乎萬物而與造物者** 公與樂天之所同也公既不以其所有自多亦不以其 也康是以實浮於名而世誦其美不厭以孔子之 非獨自比於樂天而已古之君子其處已也厚其取 心於老彭自同於丘明自以不如顏淵後之君至 卷五 t 一醉也

次定四事全十五 書之 始吾居鄉有病寒而效者問諸醫醫以為藍不治且 **未果公麂 既葬忠彦以告軾以為義不得辭也乃泣而** 為禹司馬長卿自以為相如揚雄自以為孟軻崔浩自 以為子房然世終莫之許也由此觀之忠獻公之賢於 實則不至而皆有侈心馬臧武仲自以為聖白圭自以 也遠矣替公當告其子忠彦将求文於較以為記而 益公堂記蘇軾 **支** 

醫而疾愈甚里老父教之曰是醫之罪樂之過也子何 鳥塚雜然並進而漂疽癬疥脏替之狀無所不至三易 旦朝吐之暮夜下之於是始不能食懼而反之則鍾乳 膚禁切其飲食之美者期月而百疾作內熱惡寒而欬 疾之有人之生也以氣為主食為輔今子終日樂不釋 不已累然真盡者也又求於醫醫以為熱受之以寒樂 口臭味亂于外而百毒戰于內勞其主隔其輔是以病 人取其百金而治之飲以盡樂攻伐其腎腸焼灼其體

數言人 為國者亦然吾觀夫秦自孝公以來至于始皇立法更 夫樂之良者可以一飲而效從之期月而病良已昔之 也子退而体之謝醫却樂而進所嗜氣完而食美矣則 制以鐫磨銀鍊其民可謂極矣蕭何曹外親見其新喪 相召長老諸先生問所以安集百姓而齊故諸儒以百 てこうえ ここう 可與有為也是以 /趙而收其民於百戰之餘知其厭若憔悴無聊而 人殊祭未知所定聞膠西有益公善治黃老言 切與之休息而天下安始參為齊 文编

望如引繩名之曰益公堂時從賓客僚吏遊息其間而 堂之北易其弊随達其敬塞重門洞開盡城之南北相 之師其言想見其為人庶幾復見如公者治新寢於黃 言之參於是避正堂以舍蓋公用其言而齊大治其後 使人請之益公為言治道貴清淨而民自定推此類具 守知公之為邦人也求其墳墓子孫而不可得慨然懷 以其所以治癣者治天下天下至今稱賢馬吾為膠西 **小敢居以待如公者馬夫曹祭為,漢宗臣而益公為文** 

金方四月全書

巻五十か

嘉祐二年龍圖問直學士尚書吏部即中梅公出守干 往來其間乎吾何足以見之 多隱君子可聞而不可見可見而不可致安知益公不 賜詩之首章而名之以為杭人之榮然公之甚爱斯堂 杭於其行也天子寵之以詩於是始作有美之堂蓋取 不死者歟膠西東並海南放於九仙北屬之牢山其中 可謂威矣而史不記其所終豈非古之至人得道而 有美堂記歐陽修

大型田田二十

**킻**編

庭之廣三峽之險號為東南竒偉秀絕者乃皆在乎下 其為樂不得而無也今夫所謂羅浮天台衡嶽廬阜洞 益彼放心於物外而此好意於繁華二者各有適馬然 都邑之雄富者必據乎四達之衛舟車之會而後足馬 之乎寬閉之野寂寞之鄉而後得馬覧人物之盛麗夸 其樂有不得而無馬者多矣故窮山水登臨之美者必 請至六七而不倦子乃為之言曰夫舉天下之至美與 也雖去而不忘今年自金陵遣人走京師命予誌之其

金月口人人

卷五十六

次足四車全書 ~ 完安樂又其俗習工巧邑屋華麗益十餘萬家環以湖 **覽者莫不為之躊躇而悽愴獨錢塘自五代時知尊中** 後服見誅今其江山雖在而顏垣廢址荒煙野草過而 然二邦皆僣竊於混世及聖宋受命海内為一金陵以 國效臣順及其亡也頓首請命不煩干戈令其民幸富 而又能無有山水之美以資富貴之好者惟金陵錢塘 州小邑僻陋之邦此幽潛之士窮愁放逐之臣之所樂 也若乃四方之所聚百貨之所交物盛人聚為一都會 .丈

斯堂者又盡得錢塘之美馬宜乎公之甚爱而難忘也 邑居之繁一寓目而盡得之益錢塘無有天下之美而 者必有遺於彼獨所謂有美堂者山水登臨之美人物 山左右映帶而閩商海賈風帆浪舶出入於江濤浩渺 煙雲杳靄之間可謂盛矣而臨是邦者必皆朝廷公卿 形勝治亭榭相與極遊覽之娱然其於所取有得於此 大臣若天子之侍從又有四方遊士為之賓客故喜占 公清慎好學君子也視其所好可以知其人馬

卷五十

歌足四年人生 一人 氣之盛昔人比之衣錦之祭者也惟大丞相魏國公則 瞻望咨嗟而所謂庸夫愚婦者奔走駭汗羞愧俯伏 侮之若季子不禮於其嫂買臣見棄於其妻一旦高車 之所同也蓋士方窮時困阨問里庸人孺子皆得易而 自悔罪於車塵馬足之間此一介之士得志當時而意 驷馬旗旄草前而騎卒擁後夾道之人相與駢肩累迹 仕宦而至將相富貴而歸故鄉此人情之所祭而今昔 相州畫錦堂記歐陽修 文編

世而垂無窮此公之志而士亦以此望於公也豈止夸 惟徳被生民而功施社稷勒之金石描之聲詩以耀後 得志於一時出於愚夫愚婦之不意以驚駭而夸耀之 所謂將相而富責皆公所宜素有非如窮死之人僥倖 也然則髙牙大纛不足為公榮桓圭衮冕不足為公貴 科登顯仕海内之士聞下風而望餘光者蓋亦有年矣 不然公相人也世有今德為時名柳自公少時已握髙 時而祭一 鄉哉公在至和中當以武康之節來治於

謂社稷之臣矣其豐功盛烈所以銘奏鼎而被經歌者 哉故能出入將相勤勞王家而夷險一節至於臨大事 言以快恩讐矜名譽為可薄蓋不以昔人所夸者為榮 決大議垂紳正笏不動聲氣而措天下於泰山之安可 而以為戒於此見公之視富貴為如何而其志豈易量 相乃作畫錦之堂于後圃既又刻詩於石以遺相人其 竊誦公之詩樂公之志有成而喜為天下道也於是平 邦家之光非問里之祭也余雖不獲登公之堂幸常

書尚書吏部侍郎祭知政事歐陽修記 | 欽定匹庫全書 也端静而文明哲而忠士之修潔博習朝之磨治洗濯 退而爾汝者多矣獨王子猷謂竹君天下從而君之 余為文以頌君德則與可之於君信厚矣與可之為, 異辭令與可又能以墨象君之形容作堂以居君而屬 爾汝之雖公卿之貴天下貌畏而心不服則進而君公 《相與號呼者貴之則曰公賢之則曰君自其下則 墨君堂記蘇軾 無

抗勁無聲色臭味可以好悦人之耳目鼻口則與可之 喪其所守自植物而言之四時之變亦大矣而君獨不 厚君也其必有以賢君矣世之能寒燠人者其氣餘亦 27.70 151 C.A.1 壯枯老之容披折偃仰之勢風雪凌厲以觀其操崖石 而知君之所以賢雍容談笑揮灑奮迅而盡君之德稚 顧錐微與可天下其孰不賢之然與可獨能得君之深 **未至若雪霜風雨之切於肌膚也而士鮮不以為欣戚** 以求交於與可者非一人也而獨厚君如此君又疎簡 **킻編** 

誇觀之自以為至矣則又有笑之者曰古之人所以自 一举确以致其節得志遂茂而不驕不得志瘁瘠而不辱 自以為高而笑之彈琴实暴蓄古書法圖畫客至出而 性矣余雖不足以知君願從與可求君之民第子祭族 世人之所共嗜者美飲食華衣服好聲色而已有人馬 屬朋友之象而藏於吾室以為君之別館云 **虞居不倚獨立不懼與可之於君可謂得其情而盡其** 張君墨寶堂記蘇軾

金万四月五百十

卷五十六

曹何足言而許由辭之以為難乳丘知之以為博由此 言之世之相笑豈有既乎士方志於其所欲得雖小物 名者自知效一官等而上之至於伊吕稷契之所營劉 言而不見於行事此不得已者之所為也而其所謂功 士又相與笑之以為士當以功名聞於世若乃施之空 表見於後世者以有言語文章也是惡足好而豪傑之 有捐驅忘親而馳之者故有好書而不得其法則扮心 項湯武之所爭極矣而或者猶不免乎笑曰是區區者 て、うえ 1.1. 艾编 古

醫者人費此言雖小可以喻大世有好功名者以其未 希元家世好書所蓄古今人遺跡至多盡刻諸石築室 武之學而驟出之於政其費人豈特醫者之此乎今張 臭味足以移人哉方其樂之也雖其口不能自言而況他 唱血幾死而僅存至於剖塚斷棺而求之是豈有聲色 而藏之屬子為記子蜀人也蜀人時曰學書者紙數學 君以無人之能而位不稱其才優游終歲無所役其心 八特以已之不好笑人之好則過矣毗陵人張君

卷五十六

欠らりをといとう 智則以書自好然以予觀之君豈久間者蓄極而通必 五音令人耳擊五味令人口爽馳騁田獵令人心發 微物足以為樂雖尤物不足以為病留意於物雖微物 所言者為鑒 將大祭之於政君知政之費人也甚於醫則願以予之 足以為病錐尤物不足以為樂老子曰五色令人目盲 君子可以寓意於物而不可以留意於物寓意於物錐 王君實繪堂記蘇執 支編 五

营好此二者家之所有惟恐其失之人之所有惟恐其 意而不釋則其禍有不可勝言者鍾繇至以此嘔血發 壁皆以兒戲害其國山其身此留意之禍也始吾少時 喜足以悅人而不足以移人者莫若書與畫然至其留 然聖人未嘗廢此四者亦聊以寓意耳劉備之雄才也 台ラリカノニー 塚宋孝武王僧虔至以此相忌桓玄之走舸王涯之複 展此豈有聲色臭味也哉而樂之終身不厭凡物之可 而好結髦嵇康之達也而好銀鍊阮孚之放也而好蠟 卷五

重於畫豈不顛倒錯繆失其本心也哉自是不復好見 雲之過眼百鳥之感耳豈不欣然接之去而不復念也 於私第之東以蓄其所有而求文以為記恐其不幸而 角平屋攘去膏梁屏遠聲色而從事於書畫作寶繪堂 **君晉卿雖在戚里而其被服禮義學問詩書常與寒士** 於是乎二物者常為吾樂而不能為吾病駙馬都尉王 不吾予也既而自笑曰吾簿富貴而厚於書輕死生而 可喜者雖時復蓄之然為人取去亦不復惜也譬之烟

如入乎舟中其温室之與則穴其上以為明其虚室之 **予至滑之三月即其署東偏之室治為燕私之居而名** 也熙寧十年七月二十日記 類吾少時之所好故以是告之庶幾全其樂而遠其病 曰畫舫齊齊廣一室其深七室以戶相通几入予室者 畫舫齊記歐陽修 如偃休乎舟中山石酱崒佳花美木之植列於兩 >則欄檻其兩旁以為坐立之倚凡偃休於吾癬

多定匹库全書

基五十六

簷之外又似汎乎中流而左山右林之相映皆可爱者 署以為燕安而反以舟名之豈不戾哉矧予又嘗以罪 府之為物所以濟險難而非安居之用也今予治蘇於 故因以舟名馬周易之象至於履險蹈難必曰涉川益 商走江湖間自汴絕淮浮于大江至于巴峽轉而以· 顧視前後凡舟之人非為商買則必仕官因竊自歎以 干漢沔計其水行幾萬餘里其羇窮不幸而卒遭風波 >恐往往叫號神明以脫須史之命者數矣當其恐時 ううご ここう 艾鹏 ナセ

有罪而不得已使順風恬波傲然枕席之上一日而千 之上終身而不肯反者其必有所樂也尚非冒利於險 宣真樂於舟居者邪然予聞古之人有逃世遠去江湖 **海級宜其寢驚而夢愕而乃忘其險阻猶以舟名其齊** 生今得除去宿負列官于朝以來是州飽廪食而安署 謂非冒利與不得已者孰肯至是哉賴天之惠全活其 里則舟之行豈不樂哉顧予誠有所未暇而舫者宴嬉 居追思曩時山川所歷舟概之危蛟鼉之出没波濤之

多好四样全書

欠己の自己語 處若於此而齊戒也故曰齊河南主簿張應之居縣署 怪偉將乞其大字以題於楹懼其疑子之所以名齊者 亦理小癬河南錐赤縣然征賦之民户纔七八千田利 官署之東有閣以熊休或曰癬謂夫間居平心以養思 故具以云又因以置于壁 之舟也姑以名子齊奚曰不宜子友察君謨善大書頗 東齊記歐陽修 ,鍾之畝人稀土不膏腴則少爭訟幸而嚴 艾编 大

富偉麗之説則必治乎以思暢乎以平釋然不知疾之 吏責而得優游以嬉應之又素病羸宜其有以間居而 金号世月日 六經百氏若古人述作之文章誦之爱其深博閱達雄 不大山亦無逋租凡主簿之所職者甚簡少故未當憂 之善醫者必多畜金石百草之物以毒其疾須其與脏 平心者也應之雖病然力自為學常曰我之疾氣留而 在體因多取古書文字貯齊中少休則探以覽馬夫世 不行血滞而流逆故其病咳血然每體之不康則或取 卷五十六

| 設定四車全書 **嘗從應之於此因書於其壁** 遺風它郡莫及也始朝廷以聲律取士而天聖以前學 吾州之俗有近古者三其士大夫貴經術而重氏族其 環之應之時時引客坐其間飲酒言笑終日不倦而某 和平其心而忘厥疾真古之樂善者歟旁有小池竹樹 民尊吏而畏法且農夫合耦以相助益有三代漢唐之 而後廖應之獨能安居是癬以養思慮又以聖人之道 眉州遠景樓記蘇城 .大 .編

往往通念而不以為非雖為刑小罪終身有不敢犯者 買小民常儲善物而別異之以待官吏之求家藏律令 經載筆應對逃退有足觀者而大家顯人以門族相上 為宗師方是時四方指以為迂闊至於郡縣胥吏皆挾 者猶襲五代之獎獨吾州之士通經學古以西漢文詞 其賢者則記録其行事以為口實至四五十年不忘商 通婚姻其民事太守縣令如古君臣既去朝畫像事之 推次甲乙皆有定品謂之江鄉非此族也雖貴且富不

∄ †

皆聰明才智務本而力作易治而難服守今始至視 鼓之而不至至而不力皆有罰量田計功終事而會之 信者二人 歲三月農事始作四月初吉穀稚而草壯耘者畢出數 てっていてい 田多而丁少則出錢以償衆七月既望穀艾而草衰則 作樂飲食醉飽而去歳以為常其風俗益如此故其民 仆鼓决漏取罰金與償衆之錢買羊豕酒體以祀田 十百人為曹立表下漏鳴鼓以致眾擇其徒為眾所畏 人掌鼓一人掌漏進退作止惟二人之 聴

守居之北埔而增築之作遠景樓日與賓客僚吏游處 為難治今太守黎侯希聲軾先君子之友人也簡而文 寂然尚不以其道則陳義東法以識切之故不知者以 言語動作輒了其為人其明且能者不復以事試終日 金片四月全書 率而留之上不奪其請既留三年民益信遂以無事因 而仁明而不肯衆以為易事既滿將代不恐其去相 善而求文以為記嗟夫軾之去鄉父矣所謂遠景 一転方為徐州吾州之人以書相往來未嘗不道黎 卷五十六

登臨覽觀之樂山川風物之美軾將歸老於故丘布衣 マミンシュンニー 幅中從邦君於其上酒酣樂作援筆而賦之以頌黎侯 之澤而賢守今撫循教誨不倦之力也可不録乎若夫 乘之今亡矣夫是二者於道未有大損益也然且録之 治之俗也哉孔子曰吾猶及史之關文也有馬者借人 斯樓之成而欲記馬者豈非上有易事之長而下有易 今吾州近古之俗獨能累世而不遷蓋耆老昔人豈第 樓者雖想見其處而不能道其詳矣然州人之所以樂 觀書當是時惟周之柱下史老聃為多書韓宣子適魯 賢不肖之所得各因其才仁智之所見各隨其分才分 竭悦於人之耳目而適於用用之而不弊取之而不竭 石草 **泉犀珠玉怪珍之物有悦於人之耳目而不適於用金** 多分四月在言 之遺爱尚未晚也元豐元年七月十五日記 不同而求無不獲者惟書乎自乳子聖人其學必始於 李君藏書房記蘇城 木絲麻五穀六材有適於用而用之則獎取之則

時欲求史記漢書而不可得幸而得之皆手自書日夜 作者益衆紙與字畫日趨於簡便而書益多世莫不有 士之生於是時得見六經者益無幾其學可謂難矣而 風雅頌而楚獨有左史倚相能讀三墳五典八索九丘 然後見易象與魯春秋季札聘於上國然後得聞詩之 誦讀惟恐不及近歲市人轉相摹刻諸子百家之書日 然學者益以苟簡何哉予猶及見老儒先生自言其少 皆習於禮樂深於道德非後世君子所及自秦漢以來 フ・ブニー

庵之僧舍公擇既去而山中之人思之指其所居為李 一徒於昔人而後生科舉之士皆束書不觀遊談無根此 傳萬紙學者之於書多且易致如此其文詞學術當倍 來者供其無窮之求而各足其才分之所當得是以不 事以聞名於當世矣而書固自如也未當少損將以遺 剥其華實而咀嚼其膏味以為已有發於文詞見於行 又何也予友李公擇少時讀書於廬山五老峯下白石 氏山房藏書凡九千餘卷公擇既巳涉其流探其源採

多片四库全書

卷五十六

とこうら ここう 藏拾其餘棄以自補庶有益乎而公擇求予文以為記 書而廬山固所願遊而不得者益將老馬盡發公擇之 衰且病無所用於世惟得數年之間盡讀其所未見之 大原王弘中在連州與學佛人景常元慧游異日從二 藏於家而藏於其故所居之僧舍此仁者之心也予既 有書而不讀為可惜也 乃為一言使來者知昔之君子見書之難而今之學者 抵害事記韓 愈 支編 1

丘曰埃德之丘蔽於古而顯於今有埃之道也其石谷 之出者突然成丘陷者呀然成谷窪者為池而缺者為 洞若有鬼神異物陰來相之自是弘中與二人者晨往 茅而嘉树列發石而清泉激輦糞壤燔棩翳却立而視 曰黄金之谷瀑曰秩秩之瀑谷言容瀑言德也洞曰寒 曰譕受之谷瀑曰振鷺之瀑谷言徳瀑言容也其土谷 而夕忘歸馬乃立屋以避風雨寒暑既成愈請名之其 人者行於其居之後丘荒之間上髙而望得異處馬斬

每分四月在書

卷五十六

耿定四軍全等 一 以望方城出荆門下岷江過洞庭上湘水行衡山之 無與燕喜者比經營於其側者相接也而莫直其地非 次其道途所經自藍田入商洛涉淅湍臨漢水升峴首 之以屋曰燕喜之亭取詩所謂魯侯燕喜者頌也於是 天作而地藏之以遺其人乎弘中自吏部郎貶秩而來 州民之老聞而相與觀馬曰吾州之山水名天下然而 出其惡也泉之源曰天澤之泉出高而施下也合而名 居之洞志其入時也池曰君子之池虚以鍾其美盈以 艾鸠

修既治滁之明年夏始飲滁水而甘問諸滁人得於州 石以記 繇郴 水仁者樂山弘中之德與其所好可謂協矣智以謀之 仁以居之吾知其去是而羽儀於天朝也不遠矣遂 百步之近其上豐山聳然而特立下則幽谷窈然而 山水飫聞而厭見也今其意乃若不足傳曰知者樂 豐樂亭記歐陽修 喻倚援於所家魚龍所宫極幽遐瑰跪之觀宜其

卷五十六

改定四車全套 清流之關欲求暉鳳就擒之所而故老皆無在者益天 門之外遂以平滁修當考其山川按其圖記升高以望 **疏泉鑿石闢地以為夢而與滁人往遊其間滁於五代** 在為敵國者何可勝數及宋受天命聖人出而四海 兵十五萬於清流山下生擒其將皇甫暉姚鳳於滁東 干戈之際用武之地也昔太祖皇帝嘗以周師破李景 深藏中有清泉滃然而仰出俯仰左右顧而樂之於是 下之平久矣自唐失其政海内分裂豪傑並起而爭所 丈 編 Ī

無不可爱又幸其民樂其歲物之豐成而喜與子遊也 聴泉撥幽芳而蔭喬木風霜米雪刻露清秀四時之景 問既得斯泉于山谷之間乃日與滁人仰而望山俯而 商賈四方賓客之所不至民生不見外事而安於畝畝 年之深也修之來此樂其地僻而事簡又爱其俗之安 衣食以樂生送死而孰知上之功德休養生息猛煦百 水清欲問其事而遺老盡矣今除介於江淮之間舟車 嚮之憑恃險阻劉削消磨百年之間漠然徒見山髙 而

卷五十

た三日巨~···· 被於天下而貢輸商旅之往來者陸輦秦鳳水道岷江 史之事也遂書以名其亭馬 之樂者幸生無事之時也夫宣上恩德以與民共樂刺 乎中國者五十有九年宋受夫命一海内四方次第平 蜀於五代為僣國以險為虞以富自足舟車之迹不通 因為本其山川道其風俗之美使民知所以安此豐年 大祖改元之三年始平蜀然後蜀之絲泉織文之富衣 峽州至喜亭記歐陽修

平流故舟人至此者必瀝酒再拜相賀以為更生尚書 虞部郎中朱公再治是州之三月作至喜亭于江津以 其為險且不測如此夷陵為州當峽口江出峽始漫為 不絕于萬里之外岷江之來合蜀衆水出三峽為荆江 州者皆陸出而其羨餘不急之物乃下于江若棄之 刻數百里不及顧視一失毫羞與崖石遇則糜潰漂沒 傾折回直捍怒鬬激束之為湍觸之為旋順流之舟 不見蹤跡故凡蜀之可以充內府供京師而移用乎諸 項

をはくせんりつき

卷五十六

欠にりまたい 安之其心又喜夫人之去憂愚而就樂易詩所謂愷悌 為舟者之停留也且誌夫天下之大險至此而始平夷 君子者矣自公之來歲數大豐因民之餘然後有作惠 遠雖有善政不足為名譽以資進取朱公能不以陋而 以為行人之喜幸夷陵固為下州廪與俸皆薄而僻且 于往來以館以勞動不違時而人有賴是皆宜書故凡 公之佐吏因相與謀而屬筆於修馬 峴山亭記歐陽修 文

世之名者何哉傅言叔子當登茲山既然語其屬以謂 此遂以平呉而成晉業其功烈已益於當世矣至於風 叔子也尤深益元凱以其功而叔子以其仁二子所為 巴方晉與吳以兵爭常倚荆州以為重而二子相繼於 荆州豈非以其人哉其人謂誰羊祜叔子杜預元凱是 峴山臨漢上望之隱然蓋諸山之小者而其名特著於 流餘韻藹然被於江漢之間者至今人猶思之而於思 不同然皆足以垂於不朽余頗疑其反自汲汲於後

自じし

卷五十六

とこうえという 來守襄陽明年因亭之舊廣而新之既周以回廊之 思其人者多也熙寧元年余友人史君中嬋以光禄卿 子之所遊止也故其屢廢而復與者由後世慕其名而 置兹山之上一投漢水之淵是知陵谷有變而不知石 傷然獨不知兹山待已而名著也元凱銘功於二石 此山常在而前世之士皆已湮滅於無聞因自顧而悲 鳅將自待者厚而所思者遠數山故有亭世傳以為叔 有時而磨滅也豈皆自喜其名之甚而過為無窮之慮 文编 千八

堂又欲紀其事于石以與叔子元凱之名並傳於久遠 雲煙之杳露出沒於空曠有無之間而可以備詩人之 風而襲其遺迹則其為人與其志之所存者可知矣襄 安其政而樂從其遊也因以君之官名其後軒為光禄 此襄人之所欲書也若其左右山川之勝勢與夫草木 又大其後軒使與亭相稱君知名當世所至有聲寒人 君皆不能止也乃來以記屬於余余謂君知慕叔子之 人爱君而安樂之如此則君之為政於襄者又可知矣

金分四月至言

卷五

之力八萬五千泗之民曰此吾利也而大役馬然人力 城之外堤因其舊而廣之度為萬有九千二百尺用人 景祐二年秋清河张侯以殿中丞來守泗上既至問民 與或自有記或不必完其詳者皆不復道熙寧三年十 之所素病而治其尤暴者曰暴莫大於淮越明年春作 登高寫離騷之極目者宜其覽者自得之至於亭屢廢 月二十有二日六一居士歐陽修記 四州先春亭記歐陽修

欠己の巨八十二 文編

|咸漕必廪於此於是治常豐倉西門二夾室一以視出 其美於前人而志邦人之思也又曰泗天下之水會也 是因前將侯堂之事新之為勞錢之所曰思邵亭且推 之私我也不出一力而享大利不可相與出米一千三 出於州兵而石出乎南山作大役而民不知是為政者 納日某亭一 百石以食役者堤成髙三十三尺土實石堅捍暴備災 可久而不壞既曰泗四達之州也賓客之至者有禮於 一以為舟者之寓舍曰通漕亭然後曰吾亦

金片口人有量

卷五十

自体馬故曰知為政也先時歲大水州幾獨前司封員 客至不授館羇旅無所寓遂知其必亡益城郭道路旅 政也昔周單子聘楚而過陳見其道織而川澤不败梁 望西山是成秋予貶夷陵過泗上於是知張侯之善為 てこうら ここう 今張侯之作也先民之備災而及于賓客往來然後思 舍寄寓皆三代為政之法而周官尤謹著之以為禦備 外郎張夏守是州築堤以禦之今所謂因其舊者是也 有所休乎乃築州署之東城上為先春亭以臨淮水而 Ē

禹之所治大水七岷山導江其 銀片四周全書 夫壯者之樂非登崇高之丘臨萬里之流不足以為適 言豁如也困於位果無所用以老然其胷中亦已壯矣 慷慨喜義勇而有大志能讀前史識其盛衰之迹聽其 濤晦冥之變怪壯哉是為勇者之觀也吾兄晦叔為人 合漢沔以輸之海其為汪洋誕漫蛟龍水物之所憑風 是役也堤為大故予記其大者詳馬 游偷亭記歐陽修 卷五十六 也江出荆州合沅湘

欠三日日二二 年四月二日舟中記 烏用蛟魚變怪之為壯哉故名其亭曰游鯈亭景祐五 其為適也與夫莊局所謂惠施游於濠梁之樂何以異 浩然其心者真勇者也然則水波之連漪游魚之上 為局則其心豈不浩然哉夫視富貴而不動處里因而 其擊壺而歌解衣而飲陶乎不以汪洋為大不以方丈 而方規地為池方不數大治亭其上反以為樂何哉益 今吾兄家荆州臨大江捨汪洋誕漫壯哉勇者之所觀 文編 丰

歸以苟滿嚴脫過失得去為幸居官既不久又不完知 吏常把持而上下之然其人特不喜秀才儒者以能接 根堅穴深為其長者非甚明鋭難卒攻破故一縣之政 其俗常不暇刔剔已輒易去而縣之大吏皆宿老其事 貸法為靈孽中州之人凡仕宦之蜀者皆遠客狐寓思 又若干其豪又若干縣大以饒吏與民尤舊惡捐驕善 鱼片四月月 ·加漢某縣户若干可征役者家若干任里胥給東事 陳氏榮鄉亭記歐陽修

欽定四庫全書 稍增多而什邡獨絕少陳君什加之鄉大人有賢子曰 為鄉大人而已比年蜀之士人以進士舉試有司者稍 嚴夫嚴夫幼喜讀書為進士力學甚有志然亦未嘗 與服以游者其好學者不過專一經工歌詩優游自養 饒樂鄉里不急禄仕又苦吏之所為故未嘗有儒其業 門者吏輒坐門下嘲咻踞罵辱之俾慙以去甚則陰用 見官府知已短長以讒之為已病也每儒服持謁嚮縣 八無賴苦之羅中以法期必破壞之而後已民既素 <u>~</u> 基編した Í

以歸陳君成是亭與鄉人宴其下縣之吏悔且歎曰陳 為榮君行達得選於有司吾將有以旌志之使榮吾鄉 行陳君戒且約曰嘻吾知惡進士之病已而不知可以 詣門應詔東方相驚然莫能為也既州試之送禮部將 所為也已而州下天子詔書京鄉舉秀才嚴夫始改衣 氏有善子而吾鄉有才進士豈不榮邪嚴夫初為伊闕 以勸也於是呼工理材若將構築者明年嚴夫中內科 儒其衣冠以謁縣門出入間門必鄉其服鄉人莫知其 飯定四庫全書 能榮是鄉也因以命名其亭且志之也 往拜陳君之下且以識彼邦之長者也又嘉嚴夫之 勢而不肯一當所長以干其上其守道自修可知矣陳 官薦用下吏之能者歲無員數然卒亦不及噫嚴夫為 縣主簿時予為西京留守推官當語予如此欲予之志 鄉進士而鄉人始不知之卒能祭之為下吏有可進之 君有子如此亦賢丈人也予既有嚴夫恨不一登是亭 之也嚴夫為縣吏材而有內行不求聞知於上官而上 . 丈納 Ī

年始約列諸侯一會而罷其後乃希見降居荆夷益於 通中國盟會朝聘僖二年方見於經以伐見書哀之元 楚始盛隨近之常與為關國相勝敗然怪其山川土地 修志之字氏世家隨隨春秋時稱漢東大國魯桓之後 里非有古疆諸侯制度而為大國何也其春秋世未曾 修友李公佐有亭在其居之東園今年春以書抵洛命 既無高深壯厚之勢封域之廣與鄖影相介幾一二百 李秀才東園亭記歐陽修

ì 子孫以學子為童子與李氏諸兒戲其家見李氏方治 子少以江南就食居之能道其風土地既瘠枯民給生 浦騒**鄖蓼小國之間特大而已故於今雖名藩鎮而實** 以為歲時休暇之嬉獨城南李氏為著姓家多藏書訓 里内幾一百年間未出一士豈其痺貧薄陋自古然也 不舒愉雖豐年大族厚聚之家未曾有樹林池沼之樂 下州山澤之産無美材土地之貢無上物朝廷達官大 八自閩陬嶺徽出而顯者往往皆是而隨近在天子千

次足四車全套

文编

辛四

方仕官奔走不知再至城南登此亭復幾閏幸而再至 今七閏矣然忽忽如前日事因歎嗟徘徊不能去噫子 復行城南公佐引予登亭上周尋童子時所見則樹之 勤李氏壽終公佐嗣家又構亭其問益修先人之所為 孽者抱昔之抱者桥草之茁者叢荄之甲者今果矣問 予亦壯不復過其家已而去客漢汚遊京師父而乃歸 東園往求美草一一手植周視封樹日日去來園間甚 其遊兒則有子如子童子之歲矣相與逆數昔時則於

卷五十七

次足四年全十日 哉公佐好學有行鄉里推之與予友益明道二年十月 人有為不善於室者父兄輒相與恐曰吾夫子無乃聞 訟者訴於其門鄉有庠里有學而學道者赴於其家鄉 物其初乎隨錐恆非予鄉然予之長也豈能忘情於隨 則東國之物又幾變也計亭之梁木其靈瓦覺其溜石 匹夫而化鄉人者吾聞其語矣國有君邑有大夫而爭 二日也 蘇氏族譜亭記蘇洵 . 芃

社不能相與盡其數於爱治稍遠者至不相往來是無 以示吾鄉黨鄰里也乃作蘇氏族譜立亭於髙祖墓堂 之有次第即今吾族人猶有服者不過百人而歲時時 妻必告少而孤則老者字之貧而無歸則富者收之而 既真列坐於亭其老者顧少者而歎曰是不及見吾鄉 之西南而刻石馬既而告之曰凡在此者死必赴冠娶 不然者族人之所共前讓也歲正月相與拜奠於墓下 1嗚呼彼獨何修而得此哉意者其積之有本末而施

節廢自斯人之以妾加其妻也而嫡庶之别混自斯人 欽定四庫全書 自斯人之多取其先人之貲田而欺其諸狐子也而孝 自斯人之逐其兄之遺孤子而不即也而骨肉之思薄 望人也而大亂吾俗馬是故其誘人也速其為害也深 之如見怪物馬慄馬而不寧其後少衰也猶相與笑之 悌之行缺自斯人之為其諸狐子之所訟也而禮義之 鄰風俗之美矣自吾少時見有為不義者則眾相與疾 今也則相與安之耳是起於某人也夫某人者是鄉之 艾編 美丘十七 Ē

無過否門也予聞之懼而請書馬老人曰書其事而關 皆曰某人何人也猶且為之其輿馬赫弈婢妾靚麗足 許修飾言語足以欺罔君子是州里之大盜也吾不敢 自斯人之漬財無厭惟富者之為賢也而庶恥之路塞 以告鄉人而私以戒族人馬髮髴於斯人之一節者願 此六行者吾往時所謂大慙而不容者也今無知之 之為於聲色而父子雜處誰誰不嚴也而閨門之政亂 以為惑里巷之小人其官爵貨力足以搖動府縣其矯

始治官舍為亭於堂之北而鑿池其南引流種樹以為 得禾以名其書漢武得鼎以名其年叔猺勝狄以名其 亭以雨名志喜也古者有喜则以名物示不忘也周公 子其喜之大小不齊其示不忘一也子至扶風之明年 日然乃記之 面熱內慙汗出而食不下也且無彰之庶其有悔乎予 其姓名使他人觀之則不知其為誰而夫人之觀之則 喜雨亭記蘇軾

欽定四庫全書

k.艾/梅

主

熾則吾與二三子雖欲優游以樂於此亭其可得即今 買相與歌於市農夫相與作於野憂者以樂病者以愈 不雨則無未無麥無未歲且薦飢獄訟繁與而盗賊滋 而吾亭適成於是舉酒於亭上以屬客而告之曰五日 而彌月不雨民方以為憂越三月乙卯乃雨甲子又雨 休息之所是歳之春雨麥於岐山之陽其占為有年既 不雨可乎曰五日不雨則無麥十日不雨可乎曰十日 民以為未足丁卯大雨三日乃止官吏相與慶於庭商

政定四事全書 产 學又從而歌之曰使天而雨珠寒者不得以為襦使天 自以為功歸之太空太空冥冥不可得而名吾以名吾 優游而樂於此亭者皆雨之賜也其又可忘即既以名 守大守不有歸之天子天子曰不然歸之造物造物不 而雨玉飢者不得以為栗一雨三日緊誰之力民曰太 大不遺斯民始旱而賜之以雨使吾與二三子得相與 放鶴亭記蘇戦 , 丈, 兲

名之曰放鶴亭郡守蘇軾時從賓客僚吏往見山人飲 得異境馬作亭於其上彭城之山岡嶺四合隱然如大 其所如或立於败田或翔於雲表莫則傃東山而歸故 木際天秋冬雪月千里一色風雨晦明之間俯仰百變 環獨缺其西一面而山人之亭適當其缺春夏之交草 半扉明年春水落遷於故居之東東山之麓升高而望 熙寧十年秋彭城大水雲龍山人張君之草堂水及其 山人有二鶴甚馴而善飛旦則望西山之缺而放馬縱

烫定四車全書 清遠閉放如鶴者猶不得好好之則亡其國而山林遁 伶阮籍之徒以此全其真而名後世嗟夫南面之君雖 作酒誥衛武公作抑戒以為荒惑敗亂無若酒者而劉 之宜若有益而無損者然衛懿公好鶴則亡其國周公 塵垢之外故易詩人以比賢人君子隱徳之士狎而玩 雖南面之君未可與易也易曰鳴鶴在陰其子和之詩 曰鶴鳴于九皋聲聞于天蓋其為物清遠間放超然于 酒於斯亭而樂之揖山人而告之曰子知隱居之樂乎 ~ . 丈 克

**帰來分西山不可以久留元豐元年十一月初八日** 黃冠草魔葛衣而鼓琴躬耕而食分其餘以汝飽歸來 鶴飛去分西山之缺高翔而下覽分擇所適翻然飲量 回有是哉乃你放鶴招鶴之歌曰 由此觀之其為樂未可以同日而語也山人忻然而笑 究將集分忽何所見 矯然而復擊獨終日於澗谷之間 分啄着苔而履白石鶴歸來分東山之陰其下有人分 一士雖荒惑敗亂如酒者猶不能為害而况放鶴乎 卷五十

登湖人大飢將相率亡去華老大振廪勸分躬自無循 咏投壺飲酒為事自華老之至而歲適大水上田皆不 自漢以來古文遺刻以實之吳與自東晉為善地號為 年二月作墨妙亭於府第之北逍遙堂之東取凡境內 非特有事於其地者不至馬故凡守郡者率以風流嘯 熙寧四年十一月髙郵孫華老自廣德移守具與其明 山水清遠其民足於魚稻浦蓮之利寡求而不爭賓客 墨妙亭記 )蘇軾 9

當日夜治文書赴期會不能復確容自得如故事而幸 物以歸於盡而恃形以為固者尤不可長雖金石之堅 前人賦詠數百篇為吳與新集其刻畫尚存而僵仆斷 老益喜賓客賦詩飲酒為樂又以其餘暇網羅遺逸得 勞來出於至誠富有餘者皆爭出穀以佐官所活至不 以事至湖周覽歎息而華老求文為記或以謂余凡有 缺於荒陂野草之間者又皆集於此亭是歲十二月余 可勝計當是時朝廷方更化立法使者旁午以為莘老

**録定四庫全書** 

卷五十六

有與必有亡也雖知其然而君子之養身也几可以久 於不知命也夫余以為知命者必盡人事然後理足而 而華老又將深簷大屋以錮留之推是意也其無乃幾 以此託於彼是久存者反求助於速壞此既昔人之惑 無不為至於不可奈何而後已此之謂知命是亭之作 無憾物之有成必有壞譬如人之有生必有死而國之 俄而變壞至於功名文章其傳世垂後猶為差久今乃 生而緩死者無不用其治國也凡可以存存而救亡者 了!! ここう 四十二

多片四母全書 之勝而余兄子瞻名之曰快哉益亭之所見南北百里 其名物於左云 東西一舍濤瀾洶湧風雲開闔畫則舟楫出沒於其前 張君夢得謫居齊安即其廬之西南為亭以覽觀江流 否無足爭者而其理則不可以不辨故具載其說而列 沔其勢益張至於亦壁之下波流浸灌與海相若清河 江出西陵始得平地其流奔放肆大南合湘沅北合漢 黄州快哉亭記蘇轍 卷五十六

者即宋王曰此獨大王之雄風耳庶人安得共之王之 其所以快哉者也至於長洲之濱故城之墟曹孟德孫 **颯然至者王披襟當之曰快哉此風寡人所與庶人共** 仲謀之所睥睨周瑜陸遜之所騁驁其流風遺俗亦足 起伏草木行列烟消日出漁父樵夫之舍皆可指數此 以稱快世俗昔楚襄王從宋王景差於蘭臺之宮有風 今乃得 既之几席之上舉目而足西望武昌諸山岡陵 則魚龍悲嘯於其下變化條忽動心駭目不可久視

政定四重全十二

文編

T T

為患竊會計之餘功而自放山水之間此其中宜有以 其中坦然不以物傷性將何適而非快令張君不以謫 言益有諷馬夫風無雄雌之異而人有遇不遇之變楚 壑長林古木振之以清風照之以明月皆 騷人詩士之 風何與馬士生於世使其中不自得將何往而非病使 王之所以為樂與庶人之所以為憂此則人之變也而 人者將達户雞牖無所不快而况乎濯長江之清流 西山之白雲躬耳目之勝以自適也哉不然連山絶

Đ

閩故緑周者也至秦開其地列於中國始并為閩中郡 以悲傷憔悴而不能勝者烏觀其為快也哉 道山亭記曾章

自學之太末與吳之豫章為其通路其路在閱者陸出 則院於兩山之間山相屬無間斷累數驛乃一 一得平

發擇然後可投步 員載者雖其土人猶側足然後能進 或垂崖如 小為縣大為州然其四顧亦山也其逢或逆坂如緣 一髮或側逕鉤出於不測之谿上皆石芒峭

政定四車全書 .其編

四十二

益以其限多阻豈虚也哉福州治侯官於閩為土中所 其土長川居之人非生而習水事者不敢以舟楫自任 旋若輪其激若矢舟派沿者投便利失毫分輒破弱 也其水陸之險如此漢當處其眾江淮之間而虚其地 隙間或衡縮螺棒或逆走旁射其狀若則結若虫鏤其 非其土人罕不躓也其谿行則水皆自髙瀉下石錯出 國中也其地於閩為最平以廣四出之山皆遠而長 如林立如士騎滿野千里下上不見首尾水行其 雖

卷五

**耿定四車全書** 一邑之大宫室之榮不下簟席而盡於四矚程公以謂在 為是州得閩山敬鉴之際為事於其處其山川之勝城 其環說殊絕之狀蓋已盡人力光禄卿直昭文館程公 官又特盛城之中三山西曰閩山東曰九僊山北曰粵 潮汐舟載者畫夜屬於門庭麓多傑木而匠多良能人 王山三山者鼎趾立其附山益佛老子之宫以數十百 以屋室鉅麗相於雖下貧必豐其居而佛老子之徒其 江在其南大海在其東其城之內外皆涂旁有溝溝通 = 10

一洲之山故名之曰道山之亭閩以險且遠故仕者常憚 撰今為越州字公闢名師孟云 且險又將抗其思於埃塩之外其志壯哉程公於是 往程公能因其地之善以寓其耳目之樂非獨忘其遠 其歲滿就更廣州拜諫議大夫又拜給事中 以治行聞既新其城又新其學而其餘功又及於此益 江海之上為登覽之觀可比於道家所謂蓬萊方大瀛 )蘇軾 集賢殿修

**欧定四事全套** 高於終南而都邑之最麗者莫近於扶風以至近求最 止然後人之至於其上者怳然不知臺之高而以為上 之上者纍纍如人之旅行於牆外而見其髻也曰是必 未築也太守陳公杖屨逍遙於其下見山之出於林木 髙其勢必得而太守之居未嘗知有山馬雖非事之所 有異使工鑿其前為方池以其土築臺島出于屋之簷而 以损益而物理有不當然者此凌虚之所為築也方其 國於南山之下宜者起居飲食與山接也四方之山莫 大人 學五

麗堅固而不可動者豈特百倍於臺而已哉然而數世 **転而求文以為記載復於公曰物之廢與成毁不可得** 其北則隋之仁壽唐之九成也計其一時之盛宏傑能 東則秦楊之祈年震泉也其南則漢武之長楊五作而 之復為荒草野田皆不可知也嘗試與公登臺而望其 方是時豈知有凌虚臺即廢與成毀相尋於無窮則臺 ·踌雎奮迅而出也公曰是宜名凌虚以告其從事蘇 知也昔者荒草野田霜露之所炭翳孤虺之所鼠伏

政定四事全者 人 也餔糟啜滴皆可以醉果疏草木皆可以飽推此類也 泰荆棘丘墟雕敞矣而况於此臺數夫臺猶不足恃以 凡物皆有可觀的有可觀皆有可樂非必怪奇瑋麗者 長久而况於人事之得喪忽往而忽來者數而或者欲 之後欲求其勞第而破尾顏垣無復存者既已化為禾 存亡也既已言於公退而為之記 以夸世而自足则過矣益世有足恃者而不在乎臺之 超然臺記蘇軾 文編 罗六

情也哉物有以盡之矣彼遊於物之内而不遊於物之 又烏知勝負之所在是以美惡橫生而憂樂出馬可不 外物非有大小也自其內而觀之未有不高且大者也 彼挟其髙大以臨我則我常眩亂反覆如隙中之觀鬭 惡之辨戰乎中而去取之擇交乎前則可樂者常少而 吾安往而不樂夫所為求福而辭禍者以福可喜而徇 可悲者常多是謂求禍而辭福夫求禍而辭福豈人之 可悲也人之所欲無窮而物之可以足吾欲者有盡美 包五十十 政定四車全書 人 者信矣稍革而新之時相與登覽放意肆志馬南望馬 豐髮之白者日以反黑子既樂其風俗之淳而其吏民 之野始至之日歲比不登盜賊滿野獄紅充斥而齊厨 之木以修補破敗為尚完之計而園之北因城以為臺 亦安予之拙也於是治其園圃潔其庭宇伐安丘高密 索然日食杞菊人固疑予之不樂也處之期年而貌加 勞去雕牆之美而敬采椽之居背湖山之觀而行桑麻 大哀乎予自錢塘移守膠西釋舟楫之安而服車馬之 . 文 四十七

予之無所往而不樂者益遊於物之外也 子第子由適在濟南聞而賦之且名其臺曰超然以 疏取池魚釀林酒瀹脱栗而食之曰樂哉遊乎方是時 温雨雪之朝風月之夕予未嘗不在客未嘗不從梅園 思准陰之功而吊其不終臺高而安深而明夏涼而冬 師尚父齊威公之遺烈猶有存者北俯潍水既然太息 則廬山秦人盧敖之所從遁也西望穆陵隱然如城郭 耳常上 山出没隱見者近者遠庶幾有隱君子乎而其東 **欽定四庫全書** 之觀環撫之東南者可坐而見也然而雨隱潦毀益藏 外連山高陵野林荒谿遠近高下壯大闊廓怪奇可喜 東其城因大丘其隍因大谿其隅因客土以出谿上其 數與其屬與州之寄客者遊而問獨求記於予初州之 |臺以遊而命之曰擬峴臺謂其山溪之形擬乎峴山也 尚書司門員外郎晉國裴君治撫之二年因城東隅作 棄委於榛漿弟草之間未有即而爱之者也君得之 擬峴臺記曾章 文编 ÷ 四十八

薄星辰至於平岡長陸虎豹路而龍蛇走與夫荒蹊襲 皆出乎履舄之下山之着顔秀壁顯崖拔出挾光景而 拔木之奔放至於高桅勁鵝沙禽水獸下上而浮沈者 喜增選與土易其破缺去樣與草發其九爽線以橫檻 落樹陰晦暖遊人行旅隱見而繼續者皆出乎裕席之 覆以高患因而為臺以脱埃気絶煩嚣出雲魚而臨風 雨然後谿之平沙漫流微風遠響與大浪波洶湧破山 /煙雲開斂日光出沒四時朝暮雨腸明晦變

欽定四庫全書 警發召之役也君旣因其土俗而治以簡靜故得以休 其暇日而寓其樂於此州人士女樂其安且治而又得 者不收五殼之積於郊野者不垣而晏然不知他鼓之 或飲者淋漓歌者激烈或靚觀微步等皇徒倚則得於 騰之 · 当少其民樂於耕桑以自足故牛馬之牧於山谷 耳目與得之於心者雖所萬之樂有殊而亦各適其適 也撫非通道故貴人蓄買之遊不至多良田故水旱螟 '不同則雖覽之不厭而雖有智者亦不能窮其狀也 丈娲 四十九

